

Na osnovu čl. 8. 18. i 19. Zakona o udruženjima i fondacijama Bosne i Herecegovine („Službeni glasnik BiH“, br.: 32/01, 42/03, 63/08, 76/11 i 94/16) i člana 16. Statuta Udruženja „Asocijacija nezavisnih intelektualaca - Krug 99“ „broj: 01/09 od 15.09. 2009. godine“, Skupština Udruženja, po dostavljenom prijedlogu Predsjedništva Udruženja, na sjednici Skupštine Udruženja održane u Sarajevu dana 12. 11. 2017. godine, donijela je

## STATUT

Udruženja "Asocijacija nezavisnih intelektualaca – Krug 99"

### I – OPĆE ODREDBE

#### Član 1.

Statut udruženja sadrži:

- a) naziv udruženja, skraćeni naziv i adresu udruženja;
- b) ciljeve i djelatnosti udruženja;
- c) postupak za primanje i isključivanje članova;
- d) tijela udruženja, način na koji se biraju, ovlaštenja koja imaju, kvorum i pravila glasanja, davanje mandata, osobu ovlaštenu da sazove skupštinu, uslove i način raspuštanja, odnosno restanak rada;
- e) pravila za ostvarivanje, upotrebu i raspolaganje sredstvima udruženja, kao i tijelo koje je ovlašteno za nadzor nad upotrebom tih sredstava;
- f) način podnošenja finansijskog izvještaja i izvještaja o radu;
- g) javnost rada;
- h) postupak za izmjenu i dopunu statuta, ovlaštenje i način donošenja drugih općih akata;
- i) opis oblika i sadržaj pečata i znaka udruženja;
- j) zastupanje udruženja;
- k) uslove i postupak za spajanje, podjela udruženja, odnosno prestanak rada uključujući i bilo kakav poseban kvorum ili pravila za postizanje kvalifikovane većine u postupku glasanja; i
- l) postupak za raspolaganje preostalim imovinom ili drugim sredstvima u slučaju raspuštanja ili prestanka rada udruženja.

#### Član 2.

Udruženje je nestranačko, nezavisno i dobrovoljno udruženje slobodnih ljudi koji gaje kulturu zajedničkog života, međusobni dijalog, pravo i slobodu javnog iskazivanja svog mišljenja, te razumijevanje među ljudima.

Udruženje, kroz ciljeve i djelatnosti, ne može biti uključeno u predizborne kampanje, prikupljanje sredstava za kandidate ili finansiranje kandidata, odnosno političkih stranaka

#### Član 3.

Udruženje ima svojstvo pravnog lica kojeg je steklo upisom u Registar udruženja kod nadležnog državnog ministarstva u skladu sa Zakonom.

## II - NAZIV, SJEDIŠTE I PODRUČJE DJELOVANJA UDRUŽENJA

### Član 4.

Puni naziv Udruženja je:

Udruženje "ASOCIJACIJA NEZAVISNIH INTELEKTUALACA - KRUG 99",  
Udruga "ASOCIJACIJA NEZAVISNIH INTELEKTUALACA - KRUG 99",  
Удружење «АСОЦИЈАЦИЈА НЕЗАВИСНИХ ИНТЕЛЕКТУАЛАЦА - КРУГ 99»

Skraćeni naziv: Udruženje „KRUG 99“, Udruga "KRUG 99", Удружење «КРУГ 99»

Naziv Udruženja na engleskom jeziku je: Association "The Association of Independent Intellectuals - Circle 99".

Skraćeni naziv na engleskom jeziku glasi: Association „Circle 99“.

U pravnom prometu Udruženje može koristiti puni ili skraćeni naziv Udruženja.

### Član 5.

Sjedište Udruženja je u Sarajevu, ul. Vrazova br.1.

Sjedište Udruženja može se promijeniti odlukom Predsjedništva Udruženja.

### Član 6.

Udruženje djeluje na cijelom području Bosne i Hercegovine.

Udruženje može otvarati svoje podružnice, odnosno kancelarije Udruženja, izvan svog sjedišta, na cijeloj teritoriji BiH, u skladu sa Zakonom.

Odluku o otvaranju podružnica, utvrđivanja broja izvršilaca i djelatnosti podružnica donosi Predsjedništvo Udruženja.

Podružnice nemaju svojstvo pravnog lica, ali mogu imati svoje pečate i podračune u okviru glavnog računa Udruženja, o čemu odlučuje Predsjedništvo Udruženja.

### Član 7.

Udruženje može osnivati svoja predstavništva van Bosne i Hercegovine, u skladu sa Zakonom i zakonima države u kojoj se osniva predstavništvo, o čemu odlučuje Predsjedništvo Udruženja.

## III - CILJEVI I DJELATNOSTI UDRUŽENJA

### Član 8.

Ciljevi i djelatnost Udruženja su:

- Cilj postojanja Udruženja je da njegovi članovi, nezavisno i javno, unutar i izvan svog kruga, uz svoju ličnu i moralnu odgovornost, slobodno govore i iskazuju svoje stavove u odnosu na sve društvene pojave u Državi i u Svijetu, a posebno u odnosu na sudbinu države Bosne i Hercegovine i sudbinu svakog pojedinog naroda i građanina koji u njoj žive;

- Cilj angažovanja članova Udruženja je njihovo demokratsko i javno zalaganje za takvu državu Bosnu i Hercegovinu, koja će biti demokratska država zasnovana na vladavini prava, koja će svojim ustavom i političko-pravnim i socijalnim uređenjem garantovati svojim građanima i narodima građansku, nacionalnu, vjersku, socijalnu i pravnu sigurnost, punu ravnopravnost i mogućnosti izražavanja svih svojih individualnih i kolektivnih interesa.
- Udruženje će ustrajno, principijelno i dosljedno kritički ukazivati na sve nedemokratske, autoritarne i osnovnim ljudskim pravima i građanskim slobodama suprotstavljene tendencije.
- Udruženje će se baviti organizovanjem javnih sesija, tribina, konferencija, naučnih skupova, okruglih stolova i panel diskusija o specifičnim temama značajnim za programske ciljeve Udruženja.
- Udruženje može, samostalno ili u saradnji sa ostalim pravnim licima, organizovati izdavačku djelatnost, za potrebe članstva, na način predviđen zakonom, putem koje članovi Udruženja mogu objavljivati svoje stručne, naučne i umjetničke radove.
- Za svoje članove Udruženje može organizovati studijska putovanja, kao i putovanja radi razmjene iskustava sa sličnim udruženjima u zemlji i inostranstvu.

#### **IV - OPIS, OBLIK I SADRŽAJ PEČATA**

##### **Član 9.**

Pečat Udruženja je okruglog oblika prečnika 30 mm, sa sadržajem punog naziva udruženja: Udruženje "ASOCIJACIJA NEZAVISNIH INTELEKTUALACA - KRUG 99", latiničnim pismom sa upisanim sjedištem Udruženja u Sarajevu.

Predsjedništvo Udruženja može donijeti odluku o izradi dodatnih pečata i štambilja Udruženja.

Za čuvanje i upotrebu pečata odgovara Predsjednik Udruženja ili lice iz Udruženja koje predsjednik Udruženja pismeno ovlasti.

Udruženje ima svoj znak, logo koji čine dva stilizovana broja devet (99), obrubljena nezavršenim kružicom, crne boje.

#### **V - ZASTUPANJE UDRUŽENJA**

##### **Član 10.**

Predsjednik Udruženja je ovlaštena osoba za zastupanje i predstavljanje Udruženja, u skladu sa Zakonom i Statutom Udruženja.

Predsjednik Udruženja može posebnom punomoći ovlastiti lice koje ima odgovarajuću stručnu spremu i kvalifikaciju da zastupa Udruženje pred sudovima i drugim organima.

#### **VI - ČLANSTVO, STATUSNA PRAVA I OBAVEZE ČLANOVA UDRUŽENJA**

##### **Član 11.**

Članstvo u Udruženju je dobrovoljno.

Član Udruženja može biti svako punoljetno fizičko lice, koje je državljanin Bosne i Hercegovine ili strani državljanin koji prihvata Statut i ciljeve Udruženja u skladu sa Zakonom.

#### Član 12.

Članstvo u Udruženju se ostvaruje ličnom inicijativom člana i preporukom najmanje dva člana Udruženja.

Članovi koji zbog zdravstvenih ili drugih opravdanih razloga ne učestvuju aktivno u radu Udruženja, odlukom Predsjedništva mogu biti proglašeni počasnim članovima sa istim pravima koje imaju aktivni članovi.

Odluku o prijemu u članstvo Udruženja donosi Predsjedništvo Udruženja, najkasnije u roku od 30 dana od dana dostavljanja inicijative za članstvo i preporuke, u skladu sa odredbama prethodnog člana Statuta.

#### Član 13.

Udruženje ima aktivne i počasne članove Udruženja. Aktivno članstvo čine lica iz člana 11. ovog statuta, koja ispunjavaju statutarne i programske ciljeve Udruženja.

Počasni članovi Udruženja mogu biti osobe koji svojim javnim radom značajno afirmišu ciljeve i vrijednosti Udruženja, odnosno aktivni članovi koji su se specifičnim životnim i drugim okolnostima pasivizirali.

Predsjedništvo proglašava počasne članove Udruženja.

Članstvo u Udruženju stiče se donošenjem odluke Predsjedništva Udruženja o prijemu u članstvo Udruženja.

Po donošenju odluke član ispunjava i potpisuje pristupnicu za članstvom Udruženju.

#### Član 14.

Udruženje može ustanoviti svoje kriterije za prijem u članstvo. Kriteriji za prijem u članstvo podliježu samo ograničenjima u smislu zabrane diskriminacije koja je utvrđena Ustavom i zakonima Bosne i Hercegovine.

Udruženje vodi spisak svojih članova. Spisak članova udruženja vodi se elektronski i sadrži:

- a) ime, prezime, odnosno naziv člana, s adresom prebivališta, odnosno sjedišta;
- b) datum pristupanja i broj pristupnice udruženja;
- c) vrstu članstva udruženja, u skladu sa statutom;
- d) datum prestanka članstva u udruženju.

Spisak članova Udruženje dostupan na uvid nadležnim organima na njihov zahtjev.

Za uredno vođenje popisa članova Udruženja odgovoran je predsjednik i generalni sekretar Udruženja.

Svaki član udruženja može pokrenuti postupak pred nadležnim sudom za utvrđivanje ništavosti općeg akta udruženja koji je donijet suprotno odredbama statuta ili drugog općeg akta udruženja, a najkasnije u roku od šest mjeseci od dana donošenja tog akta.

#### Član 15.

Prava članova Udruženja su:

- da biraju i budu birani u organe Udruženja;
- da učestvuju u radu Udruženja;
- da razmatraju i ocjenjuju rad organa Udruženja;
- da pokreću pitanje odgovornosti i opoziva članova u organima Udruženja;
- da budu blagovremeno informirani o radu Udruženja;
- da prisustvuju svim skupovima, da daju prijedloge, postavljaju pitanja i traže odgovore;

- da ostvaruju određena prava i pogodnosti u skladu sa odlukama i drugim aktima Udruženja;
- da učestvuju u radu Skupštine Udruženja;
- ostvaruju druga prava po odlukama organa Udruženja.

#### Član 16.

Obaveze članova Udruženja su:

- da se pridržavaju odredaba ovog Statuta,
- da redovno plaćaju članarinu određenu odlukama Skupštine Udruženja;
- da aktivno učestvuju na ostvarivanju ciljeva i izvršavanja zadataka Udruženja;
- da čuvaju ugled Udruženja kroz pridržavanje i promovisanje pozitivnih iskustava i prakse,
- da predlažu nove članove Udruženja;
- da provode odluke organa Udruženja i
- da brane i čuvaju dignitet Udruženja u javnom diskusru.

#### Član 17.

Članovi u Udruženju su ravnopravni u ostvarivanju svojih prava i obaveza. Skupština Udruženja svojom odlukom odlučuje o članarini u Udruženju.

#### Član 18.

Članstvo u Udruženju prestaje ako:

- po automatizmu, smrću člana;
- član Udruženja djeluje suprotno programskim ciljevima i Statutu Udruženja;
- član Udruženja ekscesnim radnjama i svojim ukupnim ponašanjem ruši ugled Udruženja;
- član ne plaća propisanu članarinu;
- član ne izvršava i ne poštuje odluke organa Udruženja;
- drugim, Zakonom predviđenim slučajevima.

#### Član 19.

Inicijativu za prestanak članstva u Udruženju, u pisanoj formi, može podnijeti Predsjednik Udruženja, predsjedavajući Skupštine Udruženja, najmanje tri člana Predsjedništva Udruženja, najmanje pet članova Skupštine Udruženja, sa pismenim obrazloženjem razloga za isključenje iz Udruženja.

Odluku o isključenju iz članstva Udruženja donosi Sud časti Udruženja, u pismenoj formi.

Član koji nije zadovoljan odlukom Suda časti, ima pravo žalbe Skupštini Udruženja u roku od 30 dana od prijema odluke.

Odluka Skupštine je konačna.

Ukoliko Sud časti donese odluku o isključenju člana iz Udruženja, član na kojeg se odnosi odluka nalazi se u statusu suspendiranog člana, odnosno prestaju mu sva prava u Udruženju i/ili organima Udruženja, do konačne odluke po njegovoj žalbi, od strane Skupštine Udruženja.

## VII - ORGANI UDRUŽENJA

### Član 20.

Organi Udruženja su :

- Skupština;
- Predsjedništvo;
- Predsjednik;
- Nadzorni odbor i
- Sud časti.
- Generalni sekretar

### Član 21.

Mandatni period na koji se biraju organi upravljanja Udruženjem je pet godina, sa mogućnošću reizbora na još jedan mandatni period.

### *Skupština Udruženja*

### Član 22.

Najviši organ Udruženja je Skupština.

Skupština se sastaje po potrebi, a najmanje jedanput godišnje.

Skupštinu čine svi aktivni članovi Udruženja na dan sazivanja sjednice Skupštine.

### Član 23.

Skupština Udruženja:

- donosi Statut, izmjene i/ili dopune Statuta Udruženja, kao i druga akta Udruženja određena Zakonom i Statutom Udruženja;
- donosi Poslovnik o radu Skupštine;
- donosi Pravilnik o priznanjima Udruženja;
- odlučuje o statusnim promjenama Udruženja;
- odlučuje o prestanku rada Udruženja;
- odlučuje o prodaji nekretnina/nepokretnosti Udruženja;
- odlučuje o godišnjim izvještajima o radu i godišnjim finansijskim izvještajima Udruženja, koje priprema i podnosi Predsjednik u ime Predsjedništva Udruženja;
- odlučuje po žalbama članova koje je Sud časti isključio iz Udruženja;
- odlučuje o osnivanju privrednog društva Udruženja, kao i udruga i/ili fondacija čiji je osnivač Udruženje;
- Bira i razrješava organe i članove organa upravljanja Udruženjem, u skladu sa odredbama ovog Statuta;
- obavlja i druge poslove u skladu sa Zakonom i Statutom.

### Član 24.

Skupština Udruženja može staviti van snage ili poništiti svaki akt bilo kojeg organa Udruženja, ako ocijeni da nije u skladu sa Statutom ili ciljevima i djelatnostima Udruženja. Za vršenje određenih poslova Skupština može obrazovati radne grupe, odbore, sekcije, komisije i druga stalna ili privremena radna tijela, radi realizacije ciljeva i zadataka Udruženja.

## Presjedavajući i zamjenik presjedavajućeg Skupštine Udruženja

### Član 25.

Skupština iz reda svojih članova bira i razrješava predsjedavajućeg i zamjenika predsjedavajućeg Skupštine, na mandatni period od pet godina, sa mogućnošću reizbora.

Predsjedavajući Skupštine Udruženja, odnosno ovlaštenu sazivač sjednice u skladu sa odredbama ovog Statuta:

- rukovodi i predsjedava sjednicama Skupštine;
- potpisuje sve akte i dokumente Skupštine;
- predstavlja Skupštinu Udruženja u skladu sa odredbama Statuta;
- saziva Skupštinu i rukovodi njenim radom;
- upućuje poziv na sjednicu članovima Udruženja, sa prijedlogom dnevnog reda i materijalima po tačkama dnevnog reda;
- po diskrecionom pravu, može samo proširiti predloženi dnevni red, a ne može skinuti predložene tačke dnevnog reda od strane Predsjedništva Udruženja;
- na samoj sjednici Skupštine, predlaže izbor 2 ovjerivača zapisnika za tu sjednicu, iz reda prisutnih članova Udruženja;
- potpisuje zapisnik sa sjednice Skupštine;
- u slučaju iz odredbe člana 44. stav 1. ovog statuta u ime Udruženja potpisuje ugovor o radno-pravnom statusu predsjednika Udruženja;
- obavlja i druge poslove u skladu sa ovim Statutom.

Za svoj rad odgovara Skupštini, Predsjedništvu i Predsjedniku Udruženja, u skladu sa njihovim ovlaštenjima po ovom Statutu.

### Zamjenik predsjedavajućeg Skupštine:

- pomaže u radu i aktivnostima predsjedavajućem Skupštine u smislu pripreme i održavanja sjednica Skupštine;
- priprema za distribuciju materijale za sjednice Skupštine Udruženja;
- mijenja predsjedavajućeg Skupštine u slučaju njegove spriječenosti ili odsustnosti;
- obavlja i druge poslove u skladu sa ovim Statutom.

Za svoj rad odgovara Skupštini, Predsjedništvu i Predsjedniku Udruženja, u skladu sa njihovim ovlaštenjima po ovom Statutu.

### Član 26.

Skupština radi i donosi odluke na sjednici Skupštine, koja može biti:

- redovna;
- vanredna;

Redovna sjednica održava se prema potrebi, a najmanje jedanput godišnje na kojoj se razmatraju godišnji izvještaji o radu, godišnji finansijski izvještaji, program rada za tekuću godinu, kao i ostala pitanja koja su stavljena na dnevni red Skupštine.

Vanredna sjednica održava se u vanrednim okolnostima i nepredviđenim situacijama o pitanjima koja su izvan kapaciteta samostalnog odlučivanja Predsjedništva udruženja, u skladu sa Statutom.

Vanrednu sjednicu, saziva predsjedavajući Skupštine ili Predsjednik Udruženja na zahtjev najmanje 1/3 članova Udruženja.

### Član 27.

Skupština Udruženja može zasjedati i pravovaljano odlučivati ako sjednici Skupštine prisustvuje najmanje 21 (dvadeset i jedan) aktivni član Udruženja.

Skupština donosi odluke većinom prisutnih članova, izuzev odlučivanja o:

- Statutu, kao i izmjenama i/ili dopunama Statuta Udruženja;
- Prestanku rada Udruženja;
- Statusnoj promjeni Udruženja;
- Prodaji nepokretnosti/nekretnina Udruženja, o čemu Skupština odlučuje dvotrećinskom većinom od prisutnih članova Skupštine;

Izjašnjavanje na sjednici Skupštine je javno, a izuzetno Skupština može odlučiti da se o određenim pitanjima izjašnjava tajno.

### Član 28

Redovnu sjednicu Skupštine Udruženja saziva predsjedavajući Skupštine, po prijedlogu Predsjedništva Udruženja.

Prijedlog Predsjedništva obavezno sadrži:

- Mjesto održavanja sjednice i početak održavanja sjednice;
- Prijedlog Dnevnog reda sjednice;
- Materijale po tačkama dnevnog reda.

Na osnovu dostavljenog prijedloga o sazivanju Skupštine, predsjedavajući Skupštine upućuje poziv na sjednicu članovima Udruženja, sa prijedlogom dnevnog reda i materijalima po tačkama dnevnog reda, najkasnije u roku od 7 dana, od dana dostavljanja prijedloga o sazivanju sjednice Skupštine dostavljenog od strane Predsjedništva Udruženja. Poziv se članovima upućuje najmanje 10 dana ranije od dana za kada je zakazana sjednica.

Predsjedavajući Skupštine, po diskrećionom pravu, može samo proširiti predloženi dnevni red, a ne može skinuti predložene tačke dnevnog reda od strane Predsjedništva Udruženja.

### Član 29.

Zahtjev za sazivanje sjednice Skupštine mogu podnijeti:

- Predsjednik Udruženja;
- Predsjedništvo Udruženja;
- Nadzorni odbor Udruženja;
- Najmanje 15 članova Udruženja, koji imaju status ovlaštenih sazivača sjednice.

Uz zahtjev za sazivanje sjednice ovlaštene sazivači dužni su dostaviti prijedlog dnevnog reda za sjednicu Skupštine.

Predsjedavajući Skupštine Udruženja dužan je uputiti Poziv za sazivanje sjednice Skupštine najkasnije u roku od 7 dana od dana dostavljanja prijedloga iz prethodnog stava.

Ukoliko predsjedavajući Skupštine ne sazove sjednicu Skupštine u roku iz prethodnog stava, ovlaštene sazivači imaju pravo sazvati sjednicu Skupštine.

### Član 30.

Na sjednicama Skupštine vode se zapisnici.

Zapisnike na sjednicama vodi lice koje odredi Predsjednik Udruženja, a na samoj sjednici Skupština, na prijedlog predsjedavajućeg Skupštine, iz reda svojih članova, bira dva ovjerivača zapisnika za tu sjednicu.

Zapisnik sa sjednice sačinjava se najkasnije u roku od 15 dana od dana održavanja sjednice, i isti potpisuju predsjedavajući Skupštine (ili ovlaštene sazivač), zapisničar, dva ovjerivača zapisnika i ovjerava se pečatom Udruženja.



Zapisnik se po potpisivanju, dostavlja svim članovima Udruženja i ima status javnog dokumenta za sve članove Udruženja.

Zapisnik sa sjednica Skupštine trajno se arhivira i čuva u Udruženju.

#### Član 31.

Predsjedavajući Skupštine rukovodi i predsjedava sjednicama Skupštine, potpisuje sve akte i dokumente Skupštine, predstavlja Skupštinu Udruženja u skladu sa odredbama Statuta.

Zamjenik predsjedavajućeg Skupštine pomaže u radu i aktivnostima predsjedavajućem Skupštine, i mijenja ga u slučaju njegove spriječenosti ili odsustnosti.

Svi akti Skupštine ovjeravaju se pečatom Udruženja.

#### Član 32.

Za sva druga pitanja koja se odnose na rad Skupštine, a nisu obuhvaćena ovim Statutom, propisane se Poslovníkom o radu Skupštine.

### **Predsjedništvo Udruženja**

#### Član 33.

Predsjedništvo Udruženja u skladu sa Zakonom ima funkciju Upravnog odbora Udruženja.

Predsjedništvo Udruženja sastoji se od ukupno jedanaest (11) članova, od kojih su devet članova koje bira i razrješava Skupština Udruženja iz reda članova Udruženja i dva člana po funkciji koju obavljaju i to: predsjednik Udruženja, koji je ujedno i predsjednik Predsjedništva i generalni sekretar Udruženja koji je po funkciji član Predsjedništva.

#### Član 34.

Predsjedništvo može pravovaljano odlučivati ukoliko sjednici Predsjedništva prisustvuje nadpolovična većina od ukupnog broja članova Predsjedništva.

Predsjedništvo odlučuje nadpolovičnom većinom od broja prisutnih članova Predsjedništva.

Predsjedništvo za svoj rad odgovara Skupštini Udruženja.

#### Član 35.

Predsjedništvo Udruženja:

- izvršava odluke Skupštine Udruženja,
- donosi i usvaja planove i programe rada Udruženja,
- odlučuje o formiranju podružnica, ureda i predstavništava Udruženja;
- odlučuje o promjeni sjedišta Udruženja;
- upravlja cjelokupnom imovinom Udruženja, izuzev prodaje nekretnina/nepokretnosti Udruženja,
- priprema i podnosi godišnje izvještaje o radu i godišnje finansijske izvještaje Skupštini Udruženja;
- priprema, donosi i provodi godišnje i srednjoročne programe i planove rada Udruženja, kao i finansijske planove;
- predlaže Statut, kao i njegove izmjene i/ili dopune;
- odlučuje o dodjeli priznanja Udruženja;
- predlaže sazivanje sjednica Skupštine, sa prijedlogom dnevnog reda i materijalima po tačkama dnevnog reda;
- priprema materijale za sjednice Skupštine Udruženja;
- predlaže kandidata za generalnog sekretara Udruženja Skupštini Udruženja;
- donosi odluke o upotrebi materijalno-tehničkih i finansijskih sredstava čija je vrijednost veća od 50.000 KM;